


## SKRAĆENO UPUTSTVO ZA POSTAVLJANJE RECIVERA EDISION HD I UPRAVLJANJE DALJINSKIM UPRAVLJAČEM NA SISTEMU KKS d.o.o. Tuzla



Da bi ste spojili reciver EDISION HD sa vašim TV prijemnikom potrebno je da uradite sljedeće:

**ANT IN** Ovaj ulaz vam služi da antensko koaksijalno kablo koje se trenutno nalazi uključeno u vaš TV, izvadite iz TV-a i uključite u ovaj ulaz. Tako ćete signal kablovske TV spojiti na reciver.

**HDMI** ulaz Služi za povezivanje vašeg recivera sa TV-om i prenos slike na TV. Ovaj kabal ne dolazi u kompletu sa reciverom te ga morate kupiti. Inače prenos slike ovim kablom je mnogo bolji nego drugim kablovima. Dakle, kada uključite HDMI kabal u ovaj ulaz i u isti takav ulaz na vašem TV-u prenijet ćete sliku sa recivera na TV. Potrebno je naglasiti da kada izvršite predhodnu radnju, te ukoliko vaš TV automatski nije prepoznao reciver, vašim daljinskim od TV-a prebacite izvor signala na HDMI 1, 2, 3 itd; u zavisnosti u koji ste ulaz na TV-u spojili vaš HDMI kabal.

**TV SCART** je ulaz koji ima mnogo „rupica“ i on je nepravilnog kvadratnog oblika, a ima istu namjenu kao i predhodni kabal, a to je da prenese sliku sa recivera na vaš TV. Ovaj kabal, također ne dolazi u kompletu sa reciverom te ga morate kupiti.

Posljednji ulaz je ulaz naponskog adaptera s oznakom **DC 5V/1,0 A** koji služi za napajanje recivera el.energijom, a spaja se direktno u izvor el.energije (utičnicu). Ovaj adapter dolazi u kompletu sa reciverom.

U kutiji kompleta recivera dolazi i daljinski upravljač i par baterija za daljinski upravljač.

## IZGLED I FUNKCIJE DALJINSKOG UPRAVLJAČA EDISION HD RECIVERA



Na slici je prikaz daljinskog upravljača EDISION HD. Najveće **crveno dugme** na daljinskom služi da se upali/ugasi reciver. Izaći će vam dvije opcije **Fake Standby** i **Real Standby**. Pomjeranjem strelica odaberite opciju Real Standby i pritisnite OK na daljinskom. Dugme s oznakom **MUTE** služi da bi se trenutno kompletno stišao ton na nulu. Ponovnim pritiskom na isto dugme vraća se ton na istu razinu koja je bila u trenutku kada je dugme prvi put pritisnuto. Dugmići od **0, 1 pa do 9** služe za prebacivanje (brojčano) kanala. Pritiskom na dva dugmeta (recimo 2 i 3) malo brže, možete prebaciti na dvocifreni broj (23). Dugme **TV/RADIO** služi da bi se sa trenutnog TV kanala prebacilo na kanale sa radio stanicama. Ponovnim pritiskom na isto dugme vraćate se na prikaz TV kanala. Dugme **ZOOM** služi da bi se povećao (zumirao) prikaz slike na ekranu. Dugme **RECALL** strelica (zaokružena u desno) služi da bi ste se vratili na predhodni kanal na kojem ste bili prije trenutnog kanala kojeg gledate. Dugme **MENU** služi za „brzi“ meni (menu) kojim ćete izvršiti postavke, programiranje recivera i ostalo. Dugme **INFO** služi za detaljne informacije o reciveru i software-u recivera. Dugme **EXIT** služi da bi ste izašli iz bilo kojeg menija ili opcije koju ste pritisnuli na daljinskom i koja vam je ponuđena. Dugme **OK** u sredini daljinskog služi da bi potvrdilo bilo koju opciju koju ste prethodno izabrali na daljinskom. **Strelica prema gore CH+** iznad dugmeta OK služi za kretanje prema gore po opcijama koje odaberete, a isto tako i **strelica prema dole CH-**. Također, ovi dugmići (CH) služe i za pomjeranje za po jedan kanal prema gore ili dolje. **Strelice lijevo i desno VOL-** i **VOL+** oko OK dugmeta također služe za pomjeranje lijevo i desno kroz opcije kao i smanjenje ili pojačavanje tona recivera. Dugme **EDV** služi da bi ste vidjeli raspored programa u vašoj listi kanala. Dugme **FIND** služi za pronalaženje nekih opcija unutar recivera. Dugme **FAV** služi da bi izdvojili u favorite nekoliko kanala koje najviše gledate. Dugme **SAT** služi za prebacivanje između satelitske antene ili DVBC sistema prenosa kanala koji je neophodan za kablovsku televiziju. Dugme **V.FORMAT** služi za izbor rezolucije slike na

ekranu. Dugmići **PAGE** (strelice) gore/dolje služe za pomjeranje prikaza za po jedan cijeli ekran. Malo dugmo dugme crvene boje **AUDIO** služi da bi imali prikaz trenutnog izbora zvuka (govorno područje). Dugme **TV/AV** zelene boje služi za prebacivanje između TV-a i nekog eksternog uređaja ukoliko je spojen preko recivera. Dugme žute boje **TXT** služi za prikaz Teletexta na TV-u. Plavo dugme **WEB TV** služi za prikazivanje opcija ukoliko je reciver spojen na internet. Ostali dugmići daljinskog imaju funkcije za eksterne uređaje.

## Programiranje recivera i postavljanje kanala na reciveru EDISION HD u sistemu KKS TXTV d.o.o Tuzla

Ukoliko ste ispravno spojili kablove (iz recivera u TV, što je objašnjeno na predhodnim stranicama) pritisnite dugme **MENU** na daljinskom od recivera. Na ekranu će se pojaviti MENU (meni) na kojem je ponuđeno 6 opcija: **Instalacija, Kanal, Sistem, Conditional, Media, i Internet.**

Opcija – **Instalacija** je neophodna opcija da bi ste instalirali (programirali) kanale na reciver. Ispod Opcije **Instalacija** izaći će vam padajući meni (menu) na kojem su opcije **Terrestrial Installation, Cable Installation, New ID Scan.** Strelicom prema dolje pomjerite na opciju **Cable Installation** budući da se koristi signal KKS sistema.

Pritisnite OK na daljinskom.

Pojavit će se novi meni (menu) sa parametrima na kojima će biti vrijednosti neophodne za programiranje recivera.

Zadati parametri treba da budu :

TP Index **1/22,**

Frekvencija **402.0** (Frekvencije u KKS sistemu TXTV d.o.o Tuzla kreću u opsegu od 402 do 570 MHz),

Simbol Rate **6900,**

Modulation **QAM256,**

NIT Traženje – **ugasi,**

LCN – **Uključi.**

Ako su navedeni parametri postavljeni onda je dovoljno samo da pritisnete na daljinskom malo dugme crvene boje (AUDIO) te će reciver izbaciti još jedan ponuđeni meni (menu) **Search Type** s opcijama **Mod Traženja** i **OK to Search** prije nego što krene pretraživati i programirati kanale.

Na opciji Mod traženja desno mora biti odabrano **All (Free to Air & Scrambled).** Odabir se vrši strelicama lijevo/desno.

Zatim, strelicom dolje na daljinskom siđite na opciju **OK to Search.** Pritisnite OK na daljinskom. Reciver će krenuti u pretragu i pohranjivanje kanala. Nakon što završi pohranu,

reciver će vas vratiti na meni (menu) sa ponnuđenim parametrima za programiranje. Nakon toga dovoljno je samo da na daljinskom pritisnete dugme EXIT 2 puta i pojavit će vam se slika programa na ekranu TV-a.